

ie, dieweil er nit bei im sein, sonder nur in krieg welte,
erschossen würd. Das beschach, und fürwar, so ist es nit
guet, so ain vatter oder muetter die kinder also unguetig
ufssegnet oder inen args winschet, dann es selten wol ge-
5 rath. Dess haben wir vil exempel, auch bei vil wenigern
stands, die ich darumb zu denen fürnemmen grafen nit will
oder beger zu vergleichen. Bei unserer vätter zeiten do ist
der letst Pfauser von Norstetten (sein ansehnliche und alte
edelleut vorm Schwarzwaldt gewest) zu einem nachrichter
10 worden, allain der ursach. Der jung Pfauser hat zu Tübingen
uf der hohen schul studiert und den gradum magisterii an-
nemen wellen. Darzu hat er seins vatters hilf bedurft.
Der ist hiemit ganz übel zu friden gewest, und dieweil das
ain costen erfordert, den der alt nit gern erlegen, hat er
15 zum son in ainer ungedult gesprochen, er soll dafür ein
nachrichter werden, so sei er auch ain maister, so meg im
dasselbig handtwerk auch eintragen. Damit hat er den son
von ime abschaiden lasen. Der ist von wegen der unge-
schickten rede seines vatters in sich selbs gangen und so
20 hoch zu herzen genommen, das er zu aim nachrichter worden.
Aller erst hat es sein alten vatter, den rauhen Scytham,
gerowen, aber zu spat, und wie man sagt, hat es im die
tag seins lebens hernach bekürzet. Also auch bei wenig
jaren hat ein würt zu Schaffhausen sein sone im abschaidt
25 ufsgesegnet und ime gewünscht, das er erhenkt werde. Das
ist in kurzer zeit darnach beschehen; dann der son ist under
ein böse gesellschaft kommen, von denen er verführt, ge-
stollen und mit inen selb fünft zu Reinfelden gefangen und
erhenkt worden. Als das sein vatter bericht, ist er baldt
30 hernach vor kommer und laidt, wie billich, gestorben. Man
sagt ain tyrannisch stuck vom edelman zu Reinfelden, der
also unmlütiglich gehandelt. Grave Jörgen Ernten, gleich-
wol er ein wunderblöder, kranker herr, den verheirat er, hat
aber uf heutigen tag kain erben. Die andern zwen, graf
35 Hanns und graf Christof, sein im gaistlichen standt abge-
storben. Grave Poppo, der jüngst, hat den gaistlichen standt
verlassen und sich auch verheurat, aber man versicht sich
keiner erben bei im, so wenig als bei seinem bruedern, graf

*

8 Pfauser] Johannes Pfuser von Nordstetten war abt in der Reichenau;
s. Gallus Oheims Chronik der Reichenau (bibliothek des litterarischen vereins
LXXXIV) s. 27, 6 ff. 21 Scytham] hs. Sytham.